



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Sorumutuk Konsellu Ministrus nian iha loron 21 fulan-novembru tinan 2018

Konsellu Ministru reuni iha Palásiu Governu, iha Díli no hahú ho aprovasaun ba orgánika Sekretaria Estadu Ambiente nian, nuudar departamentu governamental ne'ebé koadjuva Ministru Kordenadór ba Asuntu Ekonómiku responsável ba konsesaun, ezelesaun, kordenasaun no avaliasaun ba polítika be define no aprova ona hosi Konsellu Ministru ba área ambiente nian.

Ministru Transporte no Komunikaun apresenta proposta ida hodi nomeia membru sira ne'ebé kompoe Konsellu Administrasaun ba Autoridade Nasionál Komunikaun nian. Autoridade Nasionál Komunikaun nuudar Institutu Públiku ida ne'ebé hamahan-an iha Ministru Transporte no Komunikaun nia tutela ne'ebé kaer knaar regula, supervizona, fiskaliza no inspesiona setór komunikaun nian iha área hotu-hotu liuliu, fó lisensa no fiskaliza operadór telekomunikaun sira, asegura jestaun iha aspetu radioelétriku no regula setór sira komunikaun nian. Governu aprova tiha hodi nomeia João Olívio Freitas, ba Prezidente Konsellu Administrasaun no Georgina Emília da Silva Garcia, ba Diretora Finansas. Tuirmai, Konsellu Ministru sei nomeia Diretór Naun Ezekutivu.

Konsellu Ministru aprova tiha mós proposta Rezolusaun Governu ne'ebé Ministra Soliedariedade Sosiál no Inkluzan apresenta kona-ba nomeasaun ba Membru sira Konsellu Administrasaun hosi Institutu Nasionál ba Seguransa Sosiál. Nune'e, nomeia tiha Señor Longinhos Armando S. I. Leto, MM, nuudar Prezidente ba Konsellu Administrasaun, Señor Azevedo Marçal, PhD no Señor Cornélio Barros, hanesan vogál ba Konsellu Administrasaun no Sr. Alberto Carvalho Araújo, SS, MM, EM, hanesan representante ba



Palácio do Governo,
Avenida Presidente Nicolau Lobato,
Dili, Timor-Leste



PREZIDÊNCIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

empregador sira no Sr. Ramalho da Costa, A.P., hanesan representante ba traballador sira, iha Konsellu Administrasaun hosi Institutu Nasionál ba Seguransa Sosiál. **Remata**



Palácio do Governo,
Avenida Presidente Nicolau Lobato,
Dili, Timor-Leste